

اسلام گزینی

مدیری: حلیم ثابت

۲۷ جمادی الاولیٰ ۱۳۳۲

۱۰ نisan ۱۳۳۰

صافی ۶

ییل ۱

اجتماعیات

« اسلام مجموعه سی ، نك شعاری حضورنده ... »

— ۱ —

« دینی بر حیات ، حیاتی بر دین »

محترم مجموعه نك شعاری - مقصدی دنیاسنه داها کسیدیرمه اولوردی -
 کوردو کم زمان دماغده لاهوتی برجیش افکار و تحسینات باشلادی ؛ سهویندم ،
 ضالاهستی بولان بر مؤمن امتان و شکرانیاه سهویندم . مسلمانلغك قسماً گوشه ،
 بوجاقده اونودلش ، قسماً دکرینه عقل ایزدیریه مه مش ، اکثریتله ده الله دن
 قورقما دن ثمن نجس ایله اغیاره صاتیلمش نامتاعی جواهر حکمیاتی واردرد .
 مؤمن قول ؛ عصرلردنیری اللهك الكیووك صفت ونعتی اولان برحقدن ،
 « حیات » دن اوزاق دوشدی . حال بوکه ایمانك ، اسلامك عهده سی « حیات » دن
 عبارت ایدی . مسلمانلق دینی ، تابعلرینه دنیاده یاشامانی کافی کورمیور ، برده
 « آخرت حیاتی » وعد ایدیوردی . قرآنك نامه قسم وادعا اولونا بیلیرکه :
 « دین » مزك بزه توصیه استدیکی ایده ال (idéal) ؛ - عرب قارده شلر من
 « مثل اعلی » ایله ترجمه ایدیورلر . « ابدی حیات » دره الكیاواش بر اذعان بیله
 بوگونکی حیاتی سومه یین و آکلامایانك یارینکی دن هیچ برشی طامیق حتی
 اولمادیغنی چابوجاق کسیدیره بیلیر . وارلق ، حیاتدن ؛ دین ده حیاتك الملاصق
 والک محسوس اعراضدن عبارت ایکن بواکی مفهوم ؛ بر برندن ناصل اوزاقلاشدیریللا
 بیلیر ؛ اوزاقلاشدیریلماز ، اوزاقلاشدیرللاملی ایدی . فقط نه یا یالم که بشر ؛
 موهبه مشیتی دائماً حسن استعمال ایتیه یور . هله مسلمانك بو اسوء سیئه سی ،
 بك آجی اولدی : اهل ایمان ؛ « دین » ی ، « حیات » دن آیردقلری آندن
 اعتباراً بالکمز دنیادن دکل ، قرآن دن و بناء علیه ایماندن ده آیرلش اولدیلر .
 شعور و وجدانم ؛ بودعواتك برهانلرینی قرآنده و اونك - فخر کائنات افتد مزدن

صوکر اے۔ اے یتیم مفسری اولان « فطرت » ده آزادی و بولدی . شمدی به قدر
بولد قلم ، اراد قلم مدن هر حالده چوق آزدر . فقط کافی و ارشد بر مته دوام
ایچین وافی در .

بر کرم دینیز « فطری » در . او حالده اونی آکلامق ایچین هرشی دن اول
« فطرت » ، « قولاق و یرمه لی یز . قرآن کریم ؛ فطرتک و اونک خالقک لسان -
حالی در . او ، یوتون حقایقک معجز و موجز بر مکتفه سی در . بزم حضور
خالقده ساجد و راکع اولان عقلر من ؛ قرآنه یو کسله دن اول طبیعتک اوکنده
دیز چوکمه لی واولا اونی استطاق ایتمه لی در . فطرت ، کلام اللہک بر مدخل
قدسی در . قرآن کریمده نام فطرته ایدیلن قسملر ، اونک قانونلرینه و یریلن
« لاتبدیل » و « لاتیحویل » بایه لری ، بشریتک موجهه طبیعته دعوتی ، حاصلی
فطرتک و تجلیات فطرتک و سائل هدایت صیر و سنده کوسته رله سی ؛ اونک مسلمانلر
ایچون « ایلک کتاب » اولدوغنی بک واضح اثبات ایدیور .

« دین » ک حیات دن آیرماسی ؛ قوانین فطرته قارش حركتلك اے
کنایه در . چونکه « دین » ؛ اعمال ذهنیه دن بالخاصه « اعتقاد » ، « ایمان »
قوه سته استناد ایدر . یو کونکی علم الروحک بو خاصه روحیه حقنده اجرا
ایتدیک بر چوق مناقشاتدن صکرا نه فکره ، نه حسه ارجاع ایدمه دیک کی
« اراده » ایله اولان علاقه سنی ده کسدیروب آناما یارق نهایت اونی دماغده
بللی باشلی بر خاصه اولوق قبواه مجبور اولوشی ، ایناتیق احتیاجک فطرت
ایله نه قدر ملاصق ، نه قدر حدسی اولدیغنی کونسته ویر . ایناتیق ایله بالکتر
ایناتیق ایچون دکلدر . اے ضعیف ایمانلر ؛ بر اثر بر اقامیان ، حیات ایله علاقه سی
اولمایانلر در . ایناتمه ؛ حیاتک اے بویوک قوتی در . اے کامل ایمان صاحبی اولان
فخر الارواح اقدمز ؛ کائناتک اے ذی حیات واک فعال بر عضوی اولدیلر ،
حیاته اے زیاده علاقه دارلق کوستردیلر . اونبی اکمل ؛ ایمانی امتنه ، اے زیاده وعد
حیات ایله ایضاح ایدمه بیلیوردی . دنیاتک اے بویوک انقلابلری « ایمان »
محصولی در . دین ده کی ایمان ایله صدق و اصابت ایله متحلی در ؛ او حالده حیات
ایله اے فضله مترابط ، اے انقلابچی بر قوت اولوق لازم کلیر .

اینانمق ، یالکز اینانمق ایچون دکلدر، دیدم. بو سوزی « اینانمق ، عینی زمانده یشامق ایچوندر . » ایله ایضاح ایتک ایسته یوزم . فی الحقیقه حب ایمان حب حیاتدن طوغار . « استحقار حیات » دینلن هیجان روحانی ده اک زیاده حیاتی سونلرده ، « حیات ابدیه » فکرینی ذهنته سیغدیرانلرده کورولور . بو قدر یو کسه له مه ین ، طوپراق ایچون اولنلرده حقیقت حالده یشامق ایچون اولویورلر، دیمک دکلدی در؟ وطن ایچون اوله نك معناسی باشقه تورلی نصل ایضاح ایدیلیر ؟ وطن ایچون اولمک ، هرشی دن اول بر ایمان ایچون اولمک دیمکدر . بو ایمان، یادیغی یعنی الهی ، یاخود مادی ، داها آچیق تعبیرله معدیه منتهی در . دشمنک قورشونته کوکس که رهن عسکرلر ؛ یا الله ایچون ، یا طوپراق ایچون اولیورلر . الله ایچون اولنلره « ابدی حیات » موعوددر . دیمک که بو آدمیر ، یشامق ، هم دها چوق یشامق امیدیه اولومه قوشدیلر. طوپراق ایچون اولنلرده شویله دوشونمش اولاییلرلر : بنم اک معزز حقم یشامق در وبو، بنم ایمانمدر . بنی یشاتاجق ، بسله جک قوت ده طوپراغم - وطنم دیدیکم یر - اولویور . بوکا تجاوز ایدنلر ؛ ایمانمه ، یشامق حقمه تجاوز ایتشلر دیمکدر . او حالده مدافعه ایتلی یم . غایم حیاتی مدافعه ایتک ، آتش زندکیمی اطفا ایتدیرمه مکدر . اولورسه یشامق ایچون اولمش اولاجغم ، قالیرسه م ، طوپراغمی قورتارمش ، یشامش اولاجغم . ایکسی ده بر یوله چیقیور . او حالده مارش ایله ری ...

بزم ایچون حق اولان الله ایچون اولمک در ؛ یعنی دین ؛ اللهه اینانمق وایسته دیکي زمان - مقابلنده ابدی حیات ایله ، نعمت لقا قازانمق شرطیله - اوغورنده اولمکدر . بو اولومک معناسی ، بو ایمانک غایه سی « یشامق » دن باشقه برشی دکلدر .

ایمان ؛ اک مقدس ، اک زیاده مصون التجاوز برخزینه در . ذهن بشر ، حیاته ده بو وصفلری ، قدسیت و مصوتیتی ویریور . او یله که (ایمان = حیات) مساواتی ؛ اونک اک قولایلقله ، اک ولود برید اهتله قبول ایتمه سی لازم کلن بر حقیقتدر دیه حکم .

« دینی ، دنیا به قاریش دیر ما یالم ؛ دین ، بر امر وجدانی در . » ده ینلر ؛ اولای

دینی ثانیاً مسلمانان ، ثالثاً کندیلرینی آ کلاماش دیمکدرلر . عقیده ، حیاتک مانه و له سی در . اقصیمی ایمان ؛ حیات ، عمل در . ایمان ، « لازم ، دکل ، « متعدی » در . خارجده اثری کوروله یین ، یاشامایان ، دنیایه قاریشمایان عقیده لر « ایمان ، دکلدر . نیچون ایناندقلر مزی یا ایمایلم ؛ اینانمایورسه ق نیچون یاییورز ؛ یوسؤالی ، یالکزی وجدان دکل ، قانون عمومی فطرتده ایراد ایدیور و فطرتی اداره ایدن بر « ایمان » در . یوسوزلر مایه اسکی بر درد مزه ، « عمل ؛ ایماندن جزء می در ، دکلدر ؛ « موضوعه سنه یارمق قویمق ایسته می یورم . چونکه ذهنم ، ایماتک تجزیستی و بناء علیه بویه بر دعوانک موضوع مناقشه اولماسنی قبول اتمه یور ؛ « ایمان ، عملدن ؛ عمل ، ایماندن جزء دکل ؛ ایمان ؛ محض عمل (حیات) در . « دیور . صاغلام ایمانلر ؛ حیاتدن قاچایانلردر . حیاتی سومه یین ، آ کلامایان مسلمانلق ایمانی دکلدر .

« حیات = ایمان » مساواتی تشکیل ایدن فطرت ؛ طرفینده بولوتان قوتلری بر برینه ظهیرده ایدیور . ایمان ؛ حیاتدن استیاط اولونور . حیاتی اداره ایدنده ایمان اولور . قدرالله ایسه ایکی طرفک ناظم توازی در . مساواتی بوزمایه قالشق ؛ ایمانسلرلق ، اللهک قدر وسنته قارش یورو مک دیمک اولور .

علیهمزده دنیاتک دیلنه طولادینی « قدرپرست » لك عقیده سنک منشای ، ایمانی ، حیاتدن اوزاق طوتمق اولدی . فی الواقع ، جبر ؛ مسلمانلرک عقیده سنده دکل ، حیاتنده وارد و یوقارده قورولان مساواته ، یعنی سنت اللهه مخالفته ایمانی ، حیاتدن آیرمق ایمانسلرلغنی ارتکاب ایتدکلری ایچون مسلمانلر ؛ ایکی یوزلی اولدیلر ؛ جبره اینانمایورز دیدیلر ، فقط یالکزی دیدیلر ؛ حیاته بوعقیده لرینی قاریشدیرمادیلر ؛ ایمانلری باشقه ، حیاتلری باشقه اولدی . حال بوکه ایناندقلرینی یاپسه لردی نتیجه بویه حیقمایا جقدی . دیمک که حیاته قاریشمایان ، حیاتی اداره اتمه یین ایمان اولامیور . ایمان اولاجقه نیچون جبریلکی قبول اتمه یورز ؛ قبول اتمه یورسه ک نیچون حیاته قاریشدیورز ؛ حاصلی کورولویور که ایمان = حیات دستورینه مخالفت ایتدکجه فساد باشلا یور ، نظام عالم بوزولویور ، انفسی و آفاق بر برینه کیریور .

بوسله فکریه، دها او ژانلاییلوردی، فقط بر مجموعه یازیلان شو
 تاجیز مقاله به اندیشه مک مناهج و معارجی صیقلیدر مقاله اکتفا ایتدم، عینی
 موضوعه دائر توالی ایدم چک مقاله لردم - اتشاء الله، دیرم - قرآنده ایمان
 و حیات، « پیغمبر مرده ایمان و حیات، « تاریخ اسلامده ایمان و حیات،
 بحثلری تدبیر اوله جقدر.

عبداللطیف نوزار

بیروت

دین فلسفہ

دینک علمی معرقله قارشی خصوصیتی

(قانت و ریچل)

واقعیت و حقیقت - جامع جہت - معنوی حیات و جہہ لرینک استقلال - دینک
 وضعیتی و وحدت تأسیسی - صنعت تابع علم - دینہ تابع علم - جیور دانو برو تو .
 معنوی حیاندہ اک زیادہ نظرم آینه حق برشی وارسہ اودہ حق و حقیقت
 مسئلہ سیدر، بناء علیہ بوبایدہ یا ییلہ حق تدقیقلریالکز بوساحہ دہ کی واقعلرک تبیینہ
 اکتفا ایتمز؛ بونلرک امرینہ نہ درجہ موافق بولوندیغنی دہ تحقیق ایدر، اونک
 ایچوندرک قانت بو ایکی قسم آرمندہ (واقعیت) و (حقیقت) مسئلہ لری دہ
 قطعی بر فرق تعین ایتشدرد، مثلاً بزکونشک صاحبین دوغوب آقشاملاین باندیغنی،
 و وجد واستغراق خالده بولونان بررانی و یا مجذوبک درونی بعض حاللر کچزدیکی
 « واقع، بیلورز؛ علم ایسہ، بزم بو واقع دیدیکمز شیلرک نہ درجہ حقیقت
 و شائیتی بولندیغنی تحقیقہ چالیشیر، فقط بو حق و حقیقت مسئلہ سی، او منفرد
 واقعلری احاطہ ایدن شامل بر وحدتہ (جامع بر جہت) استاد اولونمہ دن حل
 و فصل اولونہ ماز، زیرا فرضا اجرا ایتدیکمز ایکی مشاہدہ بر برلرینہ اویمازلرسہ،
 یعنی آرم لرنده هیچ بر رابطہ یوق مش کی کورونورسہ او حالده بز بونلری « آکلامش »